



EAJ, PSE-EE, EH Bildu eta PP taldeko ordezkariak osatzen dute Arabako Batzar Nagusietako Mahaia. BATZARI NAGUSIAK

Diputazioa osatzeko zain

Arabako Udalak eta Batzar Nagusiak eraruta, Foru Aldundia geratzen da orain. Aurreikuspenen arabera, ekaina amaitu aurretik izendatu dezakete Ramiro Gonzalez berriro ere diputatu nagusi.

A. MARTINEZ DE LUNA/ M. BITERI
Dagoeneko osatu dituzte Arabako Batzar Nagusiak eta herrialdeko udalak. Foru erakundea izan zen legealdi berriari hasiera eman zion lehena, pasa den ostiralean. Ez zen ezustekorik izan eta aurreikusit bezala, EAJ, PSE-EE, EH Bildu eta PP taldeetako kideekin osatu zen Batzar Nagusietako Mahaia. Datoren lau urteotan, Pedro Elozegi jeltzalea izango da berriro ere presidente, EAJren eta PSE-EEren botoei esker; presidenteorde

Josu Lopez Ubierna sozialistaren eskuetan geratu da, esandako bi alderdien arteko akordioa dela eta. Mahaiko bigarren presidenteorde eta EH Bilduko Nerea Martinez Cerrillori egokitu zaio 16 botorekin: EH Bilduko 12 eta Ahal Duguko 4. Idazkaritzen kasuan, PSE-EEk lortu du lehenengoa eta PPko Marta Alañak bigarrena bere alderdiaren, EAJren eta PSE-EEren aldeko botoekin. Ostiraleko saioan, bi alderdi horien jarrera salatu zuten Ahal Duguko eledun Arantza

Abeziak, Mahaitik kanpo utzi ditzutelako.

Batzar Nagusiak osatu ostean, batzarkideen bateraezintasunak aztertuko dituen batzarra deitu dute hilaren 25rako, eta horrenbestez, litekeena da Ramiro Gonzalez jeltzaleak ekaina amaitu baino lehen hartzea osterera ere ahaldu nagusi kargua.

Samaniegoren, ezustekoa
Egun bat beranduago, ekainaren 15ean, osatu ziren herrialdeko 53 udalak. Sorpresa esanguratsua Samaniegoren eman zen, izan ere, PSE-EEko Eduardo Pascual zinegotziak hautsi egin zuen EAJrekin duen ituna eta EH Bilduko hauta-

JELTZALEEK 32 ALKATETZA LORTU DITUZTE; EH BILDUK 11; INDEPENDENTEK 7; PPK 2; ETA PSEK 1

gaia babestu zuen bozkan; horri esker eskuratu du Pili Garmendiak bertako alkatezta.

Samaniego ez zen jeltzaleen eta sozialisten arteko hitzarmena errespetatu ez zen udalerririk bakarrik, Iruña Oka ere abstenitu egin ziren eta EAJko zinegotziak. Horrek, baina, ez zuen eraginik izan eta Javier Martinez sozialistak makilari eutsi egin dio agintaldi honetan ere.

Aipatutakoek gain, bestelako hainbat aipamen ere utzi zituen egunak; tartean, udal hauteskundeetan Bastidan eta Guardian PP alderdi bozkatuena izan bazen ere, EAJk lortu dituela bi udalerririk alkatezta, EH Bilduren aldeko botoei esker. Kuartangon, berriz, PPK izan zuen giltza; maiatzaren 26an, boto kopuru berdina lortu zuten EH Bilduk eta EAJk, eta hautagai jeltzaleak zinegotzi popularraren babesa izan zuen.

Zigoitian, bestalde, eskuz aldatuko da Udala; sozialisten eta jeltzaleen akordioari esker, Udala EAJko hautagai Javier Gorbeñak hartu duelako makila, aurreko agintaldian alkatezta izan zuen alderdi abertzalearen kaltetan.

Trebiñuko barrendegian ere aldatetak daude. Argantzoren EH Bilduk eskuratu du alkatezta, Pablo Ortiz de Latierro buru; Trebiñun, udal hauteskundeetan hirugarren indarra izan bazen ere, EAJko Kike Barbadillok lortu du agintea, independente eta EH Bilduri esker.

Gasteizen, Urтарan bigarren
Gasteizen, beste alde batetik, Gorka Urтарan izendatu dute alkate, bigarren. Urтарanek EAJko 7 zinegotzien eta PSE-EEko 6 ordezkarien babesa jaso du, baina ez zuen gehiengorik lortu. Bi alderdiek banatu dituzte dagoeneko ardurak. EAJ arlo hauetaz arduratuko da: alkatezta, ogasuna,

giza baliabideak, lurraldea eta klimaren aldeko ekintza, mugikortasuna eta espazio Publikoa, eta kirola eta osasuna. PSE-EE, berriz, beste hauetaz: ekonomia sustapena, enplegua, merkataritza eta turismoa, gizarte politikak, adinekoak eta haurrek, herritarren segurtasuna, udal administrazioa, EAJk 191 ditu; EH Bilduk 117; herritarren partaidetza, gardenatasuna eta gizarte etxeak, eta kultura eta hezkuntza.

Arabako mapa politiko berriari erreparatuta, EAJ da datoren lau urteotan udalerririk gehien gildatuko dituen: 53tik 32 geratu dira jeltzaleen esku. EH Bilduk 11 gobernaturiko ditu; talde independenteek 6; PPK bi; eta PSEk bakarrik. Zinegotziak dagokionez, EAJk 191 ditu; EH Bilduk 117; independenteek 53; PPK 36; PSEk 28; eta Elkarrekin Podemosek 4. Denera, 429 zinegotzi.

